

CARNAVAL BAO

Masha hopi yamada tabata tin na redaccion di ayera comentando masha positivo riba e prome parti di "Carnaval bao di Microscopio" publica ayera, y e tanto faxnan cu a drenta durante atardi y anochi pa sigui cu mas.

Awe ta sigui cu e di dos parti cu algun di e temanan cu a ser menciona na final di e prome parti ayera.

PARADANAN

E aña aki apesar cu varios grupo no a participa den carnaval, por bisa cu integran-tenan di varios di e gruponan aki si tabata den parada, aunque e cantidad di participacion disfraz tabata menos.

A keda demostra cu bo no mester di ta un grupo di 200 te 500 persona pa por tin un grupo luhoso of un grupo bunita pa parada.

Mayoría di e gruponan tabata di 100 y mas abao y tur hunto ayuda pa forma un carnaval precioso.

E pensamiento di cu bo mester ta grupo grandi pa sali grupo di aña tampoco ta correcto. Bo por ta un grupo di 100 persona y tin tur posibilidad di gana e titulo contra cualquier grupo di 200 te 500 persona.

E aña aki tabata tin varios grupo cu tabata na punto di conquista e titulo aki.

Grupo grandi ta bira wowo di hende y mes ora ta drenta e pensamiento cu "nan ta gana sigur".

Sigur ta cu nan "lo por" gana como grupo mas grandi den parada.

MATERIAL

Locual ta matando gruponan ta prijsnan di material na Aruba. E aña aki den POPO y SKRIBIDI a ser publica varios articulo riba esey. Prijsnan cu aña pasa tabata 1 florin, na comienzo di e aña aki 1.50 mey mey di januari 2.50 y den principio di januari 3.25 pa djies duna un ehemplo riba e aumentonan pa e mes producto y tin hasta cu a ser marca for di aña pasa.

Gruponan no por importa pasobra "invoerrechten" ta mata nan. Gobierno no ta duna subsidio pa e gruponan den forma di laga nan importa pa nan grupo sin paga e impuesto. Empresanan cu ta bende e materialnan ta abusa cu prijs y tur esey ta haci carnaval carisimo pa e gruponan.

Na december nan a tende di un prijs pa tela. Haci nan calculacion pa un disfraz, y pone

prijs pa disfraz na cierto prijs pa nan participantenan. Ta resulta cu dos pa tres siman despues ora cu mayoría a paga e prijs caba pa disfraz, no por sigui tuma miembro na e prijs cy pasobra e disfraz awor ta bay costa casi dos biaha mas tanto.

Tur esey ta perhudica gruponan.

TRAILERNAN

Un di e cosnan cu pa carnaval semper a perhudica gruponan tabata e "trailernan" cu kavelnan. Pa varios aña caba gruponan ta pidi pa elimina esakinan. Hendenan cu normalmente sa participa den parada, awor ta join den gruponan di familiaran y amistadnan cu trailer y no ta participa mas den parada.

Trailernan anualmente tin nan problema cune. Hendenan cu haya kavel ta haci e parti dilanti di trailer "di nan propiedad".

Nan por bisa cu no ta asina, pero asina cu reserva dilanti di trailer cu stoelnan di e grupo di trailer, ta core cu csnan cu kier bay para of sinta cynan, pasobra nan ta pensa mes ora cu e lugarnan ey ta reserva pa "doño di trailer".

Si toch hende bay eynan, tin zundramento y tiramento di palabra keto bay.

Otronan ta evita hende pa bin eynan, cerando e pasada dilanti trailer cu cabuya of cu palet etc.

Tin un tendencia nobo, principalmente den Vondellaan y den Lloyd G. Smith Boulevard.

Aki doñonan di trailer ta cera patras di trailer cu un cura grandi di manera cu ningun hende por pasa den e pida ey cu ta ser considera como "propiedad di doño di trailer".

E aña aki tabata tin cura casi te na lama, cerando hasta camind pa autonan pasa patras di trailernan, siendo cu ta solamente e espacio di e trailer ta conta cu e permiso duna.

Den Vondellaan ta cera henter e parti patras di trailer cu vehiculonan pa ey tras usa como lugar di picknick of BBQ mescos cu den Lloyd G. Smith Boulevard.

TRIBUNANAN

Como dos siman prome cu parada, den POPO mi a publica di e necesidad pa pone tribunanan y cu lo sali mas agradable pa mirones y cu na Aruba tin suficiente tribuna cu por usa pa centenares di hende. Tin hende cu hastqa a

hari e proposicion ey.

Bunita ta con META Corp. a haci esaki na lugar di staciona auto dilanti edificio di gobierno y cu tur esnan cu a sinta riba tribuna a goza un mundo y a elogia e iniciativa aki tambe.

Ta bira tempo pa studia e posibilidad di pone tribunanan na varios sitio banda di e ruta pa mirones.

RESERVACIONNAN

For di diahuebs anochi prome cu paradanan, ya tin hendenan cu a cuminsa reserva acerca tanto den Vondellaan como den Lloyd G. Smith Boulevard.

Nan a pone rijnan di stoel cu latanan dilanti y patras di e stoelnan y cera cu bolts of cu cadena y cabuya.

Nan ta lubida cu si hende kita nan y ocupa e lugarnan ey, nan no tin nada di bisa pasobra e lugarnan ey no ta reserva y ta espacionan publico e ta, riba acera.

Tabata tin varios caso di pleitamento formal encunto esaki cu a ser comenta na DIARIO.

E tendencia nobo ta di pone stoelnan di reservacion, laga un hende sinta eynan cuidando 10 pa 15 stoel pa despues bisa cu henter e espacio ta reserva caba. Esaki tampoco ta algo cu ta permisible.

TENTNAN/GAZEBO

E aña aki tambe e tentnan cu gobierno ta pone banda di ruta pa mirones a bira propiedad di hende for di diahuebs tambe. Nan ta pone vehiculonan bao di dje, cere cu cabuya, waya of cadena y bisa cu e ta reserva. Esaki ta pone cu hopi hende no por usa e tentnan aki durante parada pasobra "nan ta reserva". Pa esaki tambe mester bin stipulacionnan y medidanan. Tabata tin un di nan cu for di Diabierna atardi tabata tin su hamaca cologa den dje y ta intercambia di persona pa cuida e tent, te diadomingo mainta cu familiaran a yega pa ocupe completamente.

VEHICULONAN

Locual por a nota di cifranan publica di e cantidad di vehiculonan den parada, ta pone cu mester trece e punto aki dilanti atrobe. Ultimo añanan ta cantidad considerable di vehiculo ta mira den parada, sin nada di decoracion riba dje. Tabata tin un tempo cu cada vehiculo - bar den parada tabata un vehiculo

decora estilo carosa. Ta bira tempo pa bini cu stipulacion pa esaki den parada.

Vehiculonan cu ta trek carosa, trailer y bandanan musical tambe mester wordo decora. Ta masha mahos bista di mira e vehiculonan aki den parada dañando delaster toque luhoso di e desfile di carnaval aki.

Gruponan y bandanan mester wordo poni na altura cu si nan ta participa cu ki tipo di vehiculo cu ta, pa esaki ta decora estilo carnaval.

Anualmente ta masha keho ta

goshi cu ta registra na SAC y cu ta ser haya den parada. Anualmente ta tende critica riba esaki. No pasobra nan ta bende nan articulo cu ta necesario pa hopi mirones den parada, pero pa motibo cu nan ta bini cu bendedornan cu T-shirt of con cu ta bisti cu no ta cuadra cu e parada di carnaval.

Un di nan e aña aki siquiera a presenta cu un Van pero decora, locual tabata di aprecia, sinembargo su bendedornan tabata cana rond sin nada specifico di carnaval riba nan



tende di esaki, y si mira bon, e critica ta cay ademas riba imagen di e grupo di carnaval cu nan ta asistiendo.

Pa reinanan ta bira tempo pa percura pa carosa of road-piepe. Ta masha mahos pa mira reinanan riba jeepnan mey mey di un parada di carnaval y sin cu e jeep tin decoracion.

Clubnan, organizacionnan cu tin reina y ta participa cu nan reina den carnaval mester percura pa carosa of road-piepe bunita pa nan reina. Locual mi a tende den parada na dado momento e aña aki tabata: "Mira e pover, ni un carosa nan por a traha pe".

NEGOSHI

Varios añ caba tin dos ne-

curpa. Si SAC ta permiti e negoshi aki den parada, SAC siquiera mester por tin stipulacion encunto bistimento y decoracion di vehiculonan, y e negoshinan mes tambe por pensa cu sin disfraz nan ta dañá e parada y causa disgusto cerca mirones.

COSEMENTO

Otro topico cu no por keda afo di e cantidad di reclamo cu a drenta ta cosemento pa gruponan.

Cosedornan lo rabia cumi sigur, pero locual mi ta trece aki ta reclamonan y kehonan cu ta yega na redaccion cerca mi casi tur dia.

Tin grupo cu a reclama cu cosedornan a bira carisimo y

DI MICROSCOPO

Pa Juby Naar

cu esaki a bira un tipo di industria di carnaval. Cosedor nan tambe ta pone cu disfracnan di gruponan ta bira caro pasobra nan ta cobrando un dineral, segun ta ser keha.

Pa eleccion di reina tabata tin familia cu a reclama cu mester bini un fin na e presentacion di gala, pasobra ningun hende pover no por paga cosemento di shimis di gala mas, si un cosedor ta cobra mil florin pa esaki.

Otro no a reclama solamente e mil florin, pero ademá cu

cia lo ta pa e Momo y Momito participa tur aña den tur parada di carnaval pa asina tur hende por mira nan bunita.

Momo cu Momito ta cla for di dos pa tres siman prome cu Carnaval. Un carosa chiquito dilanti di parada, patras of dilanti di e reinanan y prins y panchonan, lo ta un habri bunita di carnaval.

Tin miles di hende cu ta mira paradanen pero cu nunca a mira e Momo y Momito.

Bunita lo ta pa SAC evalua pa un cambio den e parada di

duda. Muchanan no por wanta un parada diadomingo y lanta mainta pa school dialuna. Bo mester a pasa den como participante of leider of leister pa bo sa kico ta kico. Contento tambe mi tabata di mira cu schoolnan a haya nan parada toch. Bunita lo ta si por tene e parada un aña na Playa y otro aña na San Nicolas, pero cu tur school participante cu oportunidad di bay di un pa e otro ciudad. Pa e gasto di transportacion, lo por cuminsa for di awor na haci un recaudacion mensual na school.

Pakico mi a pensa riba esaki? Pasobra ta e parada na Playa ta haya tur atencion, y ta TENDE cu esun di San Nicolas no tabata local e mester tabata.

Pero kizas mi ta equivoca y ta laga esaki pa e comision di carnaval di schoolnan.

SCHOOLNAN (1)

E eleccion di reina di e schoolnan tambe a cay masha na mi agrado. No mester lubida cu den carnaval casi tur cos ta cay pa edadnan di 0 pa 13 (eleccionnan di reina y prins y pancho) Si muchanan te 16 aña mag tuma parti den algo juvenil, nos tur sa cu no ta haya e jovennan aki den parada di mucha y no ta haya nan den concursanan di mucha y juventud. Pa eleccion di reina juvenil si ta haya e mucha muherman. Despues actividadnan ta pa 17 aña bay riba.

Pues e juventud di 13 pa 16 aña di edad cu actividadnan escolar ta haya nan oportunidad di goza carnaval na nan manera. Un pabien ta bay pa e organizadornan di e parada di schoolnan, e eleccionnan na diferente schoolnan y principalmente e anochi di eleccion di reina escolar e aña aki.

RUTANAN

A ser bisa cu cada tanto aña lo evalua ruta di carnaval. Si mi no ta equivoca esaki lo tabata cada cinco aña. Pero manera a stipula un ruta, no a dura cu e aña siguiente caba a cambia esaki. Pero e ruta actual tambe ta un ruta cu mester di su cambio. Mi a tende un vrum vrum cu lo evalua esaki e aña aki, pero atrobe: "Duna gruponan di carnaval participacion den e decision. Ta nan ta experiencia e dolor di e ruta y sa unda sumpinya ta hinca nan".

ALGO MAS

Tin algun cos chiquito mas cu lo mi trece dilanti pa termina e analisis aki, y mi ta laga esey pa mañan. No ta mucho cos mas pero lectornan cu ta

yamami den dia tambe tin nan opinion, kehonan y elogionan. Esey nan lo mi lagapa mañan pa termina e analisis di e aña aki.



un diseñadora a cobra un candidata mil florin pa diseña su shimis di gala.

Si yega un dia cu nos carnaval ta cuminsa krimp, esey lo ta pasobra el a bira mucho comercial y cu tur cos a bira negoshi. Lo bira cu ningun hende di clase media of di menos recurso ainda, lo no por participa mas den carnaval, y e fiesta di henter comunidad ta bira e ora ey un fiesta pa esnan privilegia y cu placa so.

MOMO Y MOMITO

Tur aña riba diamars anochi nos tin e parada di kimamento di MOMO. Nos sa cu momo ta e sibolo di carnaval. Pakico nos tin un momo cu nos ta warda te final? Un sugerencia

kimamento di Momo cu participacion di carnavalistanan disfrac. Pero pa esaki atrobe mester reuni cu gruponan y yega na un acuerdo riba e anochi aki. Por tene e mes parada, pero por bini stipulacionnan pa gruponan y nan participacion haciendo e anochi un anochi colorido y festivo.

SCHOOLNAN

Mi a keda contento cu Ministro Eddy Croes y departamento di Enseñanza a mira e importancia di dia liber pa muchanan despues di e parada di mucha na San Nicolas y na Playa. Pero mester percura pa TUR ANA mantene e fechanan aki como liber y no laga hendenan den



Supermercado

FAVORITO

GANADORNAN DI SORTEO "CAMPAÑA DI CARNAVAL"

FECHA 17 DI FEBRUARI ULTIMO

- 1.er Premio: Miriam Petit - Caya Frere Bonifacius #20 (B.B.Q. Grill di gas)
- 2.o Premio: Antonio Brete - Tanki Leendert #98-B (5 Carton di Cerbez Icehouse)
3. er Premio: Deisy Perez - Papayastraat #14 (5 Carton di Cerbez Polar)
4. o Premio: M. Jimenez Bakvai #5 - Noord (1 caha di pia di galfia (6 paki di 5lbs.)

TELEFONNAN DI DIARIO

26747- FAX 28551